


江津縣志

地280.67
30
:1



江津縣志

江津縣志

大元緒元年之序
萬曆元年之序

江津縣志修輯職名

監修

江津縣知縣 王煌

總纂

浙江道監察御史前翰林院編修 袁方城

協修

江津縣教諭 周允新

江津縣訓導 張選青

丙午科舉人 程綏仁

丙午科舉人 冤甯縣教諭 李廷楷

江津縣志 卷一

甲子帶補辛酉科舉人同知銜候選知縣 韓寶琛

恩貢生 註選 州判 張在

歲貢生 王香

分校

廩生 杜柄 陳光德 潘泰泉

文生 王鈞 賴汝驥 戴孟恂 李春芳



江津縣志目錄

序

會受一
王煌

李寶曾
袁方城

徐鼎

凡例

十則

圖考

輿圖
城圖

卷一

天文志

星野
祥異

氣候

卷二

地輿志

沿革
建置

疆域
祠廟

形勝
寺觀

山水
津梁

城池
古蹟

場鎮
水利

救生船
養濟院

驛遞
義塚

塚墓
義渡

卷三

江津縣志

卷一

目錄

職官志

文職
駐防汎

教諭
典史

訓導

卷四

賦役志

戶口
鹽茶

丁糧
土貢

歲支
倉儲

津貼
蠲政

藥釐
捐輸

卷五

兵防志

防汎
武備

關隘
保寨

團練
寇逆

礮船

卷六

食貨志

穀
獸

蔬
魚

果
貨

竹
荒政

木

花
郵惠

藥

卷七

學校志

學宮
西配

尊禮源流
東西廡

學額

贊序
書院

匾額
租

穀
鄉學

銀錢
義館

賓興
學田

文場

卷八

典禮志

祭品 儀注 樂章 祝文 朝賀
救護 祭燾 鄉飲酒禮

卷九

風俗志

風俗 勸俗數則

卷十

選舉志

進士 舉人 貢生
援例 封贈

卷十一 上下

士女志

名臣 忠義 武功 仕績 孝友
文學 隱逸 行誼 耆壽 殉難士
民 貞烈 賢孝 烈婦
卷下 完節 婦 殉難 婦女

卷十二 上下

江津縣志

卷一

目錄

二

藝文志

記 論 傳 序
辨 下卷 詩

志存附

序

江津在蜀號稱難治宋邑令冉木已言之乙酉冬予自珙調此以鉛刀試盤錯又值歲饑日圖賑卹他務未遑丙戌秋熟哀鴻旣定乃訪故實求志乘得前明楊几川

國初龔荀涓二家抄本殘缺漫漶卽欲修之簿書旁午命盜纍纍疑治津於今其宜整頓者尙多區區紀載似非所急旣而思之無所慕而爲善無所畏而不爲不善古今有幾習俗之偷大都狃於輓近前輩風流善事不覩不聞無以感發興起而耳濡

江津縣志

卷一

序

一

目染皆勃谿之習囂凌之行翕然趨之其何足怪昔常道將志蜀人物自漢迄晉四百人復撰後賢志益其未備呂大防稱其樂道人善良以章風教而正人心非旌別淑慝無以示勸耳況乎一邑之故興革隨時予蒞任二載而城郭祠宇强半殊昔則自設縣以來千有餘年職官賦稅建置攻守之謨曷可勝記一任湮滅在今日已取舍無資後之人其何所依據至於循良之吏功德在人俊傑之生儀型足式與夫忠魂烈魄取義成仁亦且與野馬塵埃同没卽原善無一字之褒惡免斧鉞之戮

吾不知所整頓者何事矣爰卽二家之志缺者補之訛者正之筍涓而後又近百年準之遷史詳秦漢班書備哀平世及事邇尤虞挂漏因與邑屬諸君子博採而續增之越戊子夏竣事諸君子請付諸梓予懼其未足信今而傳後也諸君子曰及今不登梨棗安知他日不蹈儿川纂本之散佚於殘錄九九算耶復呈

學憲羅公荷蒙印可予於是叙而刊之以俟後賢參考論定不致悼於杞宋無徵且使讀是書者追先喆之懿淑可以維風鑒前事之興衰用爲法戒或

江津縣志

卷一

原序

二

亦治江邑之一助云

崑

乾隆三十三年歲次戊子仲冬知江津縣東安曾

受一正萬氏撰

續修縣志序

邑之有志與國史等史必隨事記註志亦必因時
修續然後不致歎無徵而足以資考鑑津志自前
令正萬曾公邑進士子昂王先生同爲編纂後迄
今垂四十年矣前歲余來權縣事卽取舊志讀之
見其體例謹嚴考核詳慎而於民生上習世道人
心尤三致意焉信足以警俗化澆爲一邑勸時邑
人士卽請余續之以廣近今所未備緣軍務旁午
未遑及此今秋蜀境赦甯始開局從事於舊志綱
目一仍其故每門隨類增入卽舊例所無而事不

江津縣志

續修縣志序

可削者亦就事補敘如弭寇救荒潛德耆壽之類
是也然皆確爲采訪必實有可據始爲編輯卽文
藝之末亦無敢濫焉昭其慎也津邑繁劇素號難
治曾公以習俗囂凌故特爲旌別淑慝以示勸懲
余之蒞津適當軍徭荒歉之後又民之生齒愈繁
其治之也較昔尤不易余愧乏折獄才遇事每廣
爲開導以發其固有之良兩年來士民亦相安余
拙訟獄亦漸就清釐今復於志而彰瘡靡遺者亦
猶曾公之意也憶余少侍先大夫宦於夔曾問學
於子昂先生今來宰先生邑讀先生志序其末云

續補縣志序

津志創自前明儿川楊氏後經兵燹散失無存乾隆戊子東安曾公爰採諸家舊稿纂集成書嘉慶甲子會稽徐公復將志後三十餘年事跡依類增補頗稱完善矣今春

大憲重編蜀省全志札調州縣舊志並志所未備者採核刻期送局予適權邑事邑自去夏早歉至春不雨方日事賑哺哀鴻奔走羣望幾靡甯晷偶於政暇徵集邑士確訪近今以來爲前所未載者隨鈔續入並付諸梓願志乘之作助於經史所以

江津縣志

續補縣志序

考事實別善良維人心而彰政治者也誠非風塵末吏之所咄嗟易辦者往嘗攝篆郫邑見郫志久闕因博徵文獻欲爲補葺復以瓜代未成而去迄今猶有遺憾茲幸舊本尚可依據區區披拾遽觀厥成爰書數語筆於簡端以誌顛末云

峒

嘉慶十七年壬申仲夏通州李寶曾葆堂氏撰

以俟後之續津志者三十餘年若遙相待焉獨余
執掌簿書學殖荒落有愧先生耳是役也閱兩月
而告成其采訪則兩學博高君嶧高君承儒是任
他如編次校讐則侍御楊君彥青進士蹇君滋善
庠生王君昌年之力爲多是皆不可沒也例得備
書

皆

嘉慶九年歲次甲子仲冬署江津縣稽山徐鼎立
三氏撰

江津縣志

卷一 續修縣志序

二

續修江津縣志序

余自壬申之春承乏茲土索閱縣志則嘉慶十七年李公所輯計六十年矣擬重加編纂以廣近今所未備而余適有北上之行怱怱去任心殊歎然今年春還篆斯邑適

大憲重編蜀省全志因於政暇延集耆英悉取舊本隨類增入以廣舊聞而垂久遠顧余因之有感焉

國家志乘之作昉於經史章風教而正人心道固莫先於此四海之大九州之遙其紀載之繁衍而

江津縣志

卷一

續修志序

莫可究極也執途人而語之有以爲荒誕不經者矣若夫一鄉一邑之中流風軼事太史輶軒之所不必及而循良之功德俊傑之儀型忠魂烈魄之委曲瑣屑與夫職官賦稅建置攻守之興廢變革雖世異事殊邑之人往往樂道之其環而聽者亦莫不感慨歎獻如其身所親歷焉以是爲高晉祖父耳目之所經而其人其事鑿鑿可據也故邑之有志較國史尤切守土者所必不容已於修者也津邑號稱難治宋邑令冉水已言之前明楊几川國初龔筍涓二家草創邑志越百年而東安曾公

修之又四十餘年而稽山徐公通州李公增修之
三公皆大有造於津其所以旌別淑慝而爲一邑
之人心風俗計者深且遠矣余簿書鞅掌學殖久
荒景仰芳徽深慙形穢有何卓見足廣前聞賴邑
人士博採而續增之刪繁補缺表微闡幽體制攸
宜勸懲斯著後之人按籍而攷焉其感發興起而
日臻於仁厚之俗也則諸君子釐訂之力余何有
焉是役也閱五月而告成其採訪則兩學博周君
允新張君選青是任而編次校讐則侍御袁君方
城孝廉程君綏仁李君廷楷韓君寶琛明經張君

江津縣志

卷一

續修志序

二

在王君香也謹誌顛末以俟後之續斯志者

昔

光緒元年歲次乙亥季夏知江津縣事汾陰王煌

右溪氏撰

重修縣志序

乾隆三十三年邑侯曾公創修縣志越嘉慶九年十七年邑侯徐公李公兩續修之迄於今又六十年矣事以積而愈多時已閱而成故歷任諸公屢思修輯迄無成議歲乙亥山右王公右溪以名孝廉來宰吾邑清廉仁厚勤求吏治適

大憲重修省志檄取各邑乘以備採擇公於是奮然興復修之舉延方及同事諸君開局從事取舊志而緝擷之刪其繁蕪節其要略其近事則依類編入必徵必信期於無溢無遺閱五月而竣事

江津縣志

卷一

重修志序

方乃復於公曰凡事之成若有數焉而要惟以實心應之乃能不疑於艱阻而聿觀厥成邑志之修特其一端耳然是書也仰以觀於天文俯以察於地理上以備官司之守下以酌貢賦之經凡揆文奮武之宜訓俗興賢之本禮樂農桑之至計忠孝節烈之遺徽與夫揚芳摘藻舊說前聞可以資考訂而廣見聞者莫不條分縷晰朗若列眉微特生於斯者觀型有本易以感發其善心即官於斯者按籍而稽亦可永監於成憲然則是書之成其有益於吾津豈淺鮮哉乃昔也道謀築室欲經始而

末由今也因事圖功不踰時而就理豈果事會之
乘亦有數存乎其間耶蓋公之心視一邑如一
家凡地方應爲之事亦惟本實心以行之而非有
要譽干名之見亦不存遠嫌避怨之私有定見初
無成見合衆長以爲已長故能究始圖終成斯已
製推是心也大而絕綱之布小而渙號之頒固知
其令出惟行無虞反汗而況徵文考獻備掌故而
垂勸懲者哉方愧乏三長無能爲役幸獲從事編
摩竊自比於驥尾之附也爰珥筆而爲之序

邑人袁方城郢材氏撰

江津縣志

凡例

一津志創修於正萬曾公而當日曾公所憑多取資於龔筭涓楊几川稿本故舊志中存有二公原序今志僅留曾公一序及續修徐公李公兩序而楊龔二序闕焉誠以楊龔二公俱明季人其志並未鐫刻人鮮知者空存其序不足徵信至曾徐二志當時秉筆者一爲王子昂先生一爲楊松巖先生俱有序文今亦不登者以二公名氏均附見於徐公序中可覆按而知也其餘石序馮序王序均與現在情事不合故概從刪削以歸簡要非敢沒人之善也

江津縣志

卷一 凡例

一津志凡三修而曾公舊本最爲詳晰今志中採取獨多蓋創始者旣備極精詳續輯者自無庸更易惟旣龔前人之作而顧蒙以新修之名未免近於掠美茲於所存舊志俱高一格書新編入者俱低一格寫用示區別

一舊志凡分十二綱實已賅括今仍其舊惟各子目中間有冗襍如天文類旣列星野復有星宿論地理類旣標古跡復具巖洞兵防類旣詳寇逆復

云僭竊俱未免繁複又如救護當入祀典而附於天文關隘當入兵防而附於地理水利悉載塘堰當入地理而附於食貨俱不甚愜當茲悉爲裁併而更正之似較爲簡明切實

一職官類文職向有主簿巡檢二缺故舊志於歷任人員俱詳載其姓字查二缺至

國朝業已裁革固可無庸贅書卽知縣一途舊志於宋元明歷任諸人悉行備載今志則於中擇其治績卓著者書之餘概從畧而於本朝則詳記糜遺推之選舉亦然非敢榮今而陋古也蓋爵秩必以

江津縣志

卷一

凡例

二

王命爲榮而聞見以近時而較確畧於古詳於今亦猶春秋尊王之義云爾

一史裁固尚謹嚴而煩簡必須得體查舊志賦役內有土貢一條業荷

守恩寬免似可無庸載入而仍著之簡編者非僅有其舉之莫敢廢也又如蠲租蠲稅

恩諭頻頒

列聖相承絡繹不絕寶覽書不勝書而必一一敬錄之而不敢或遺非不憚煩也正以見我

聖朝輕徭薄賦閭澤駢蕃遠被遐陬超越前古飲和食

德之民當何如歡欣而鼓舞矣

一國之大事在祀與戎而地處巖疆邊防尤爲吃緊舊志兵防內僅有弭盜諸條而於團練操防尙多缺而未備津邑近年疊經賊擾一切籌餉募勇聯團堵隘諸戎務固已悉心籌畫著有成規今一詳列於篇俾後之禦侮者有所取法焉

一縣志所以具闔境之形勢物產詳一邑之禮樂兵農而人心風俗所關尤莫重於忠孝節烈況津邑屢經兵燹其臨難捐軀勇夫烈婦指不勝屈至如介侯江氏昆仲崎嶇戎馬致命行間渥荷

江津縣志

卷一 凡例

三

恩綸賞延後嗣洵足以彪炳旗裳焜耀閭里故今志於舊本抉擇維嚴去取各半而獨於忠烈之士女必博採而備錄之非惟桑梓之榮亦所以維人心而勵風俗矣

一舊志藝文類首列宸翰一條蓋封典之誥詞也竊謂封典之可貴者祇誥命二字耳豈在誥詞哉況查士女類已有封贈一條此復列其誥詞於義爲贅念自軍興以來捐例大開勸捐之舉紛至沓來津邑戶口殷繁人多慕義所得封典固已家隋珠而戶荆璧此亦如地輿類之溪澗坡塘幾若恒

河沙數將誰取而誰棄耶今一概不錄以免挂漏
一藝文原取其有所關係非徒宋豔班香誇多闕
靡也舊志藝文實傷繁蕪爰約同事諸君精心披
檢擇其有關建置興廢政治得失與夫忠孝節烈
等事方始登入一切遊玩山水酬應友朋之作概
置不錄卽今志選錄近人之作亦援此例爲取去
庶不貽徇情之譏與嗜痂之誚云

一舊志十二綱外尙有志外志疑夫旣已外之疑
之也又何志之與有且其所列仙釋近於惛恍難
憑所列寺觀亦屬散漫難稽至於襍識軼事或失

江津縣志

卷一

凡例

四

之濫或失之褻舉無足採惟志疑中尙有數條足
與正志相發明者間登一二夫志所以信今而傳
後也今且不信後何能傳今併外疑爲一條而係
以志存其新編入者雖小聞軼事亦必切近人情
流傳最近信而有徵者方爲編輯庶不使文人好
奇同病太史云

輿圖

江津縣志

卷一


輿圖



江津縣志

卷一

輿圖




城圖

江津縣志

卷一

城圖



江津縣志

卷一

城圖

